



群名称:七政四余交流群

群 号:743606257

黃帝龍首經序

薑三

黃帝將上天次召其三子而告之曰吾昔受此龍首

經於立女經章傳義十有二緒言六王十二經也蓋吾所口

受不傳者

謂龍首記三十六用也

吾今日告汝汝固能行之乎

內以自輔外脩黔首

黔首者民也

術與賢者若不能行則

埋之名山三泉之下慎無妄泄使不神吾將爲汝參

會其中

謂起用也

遂其終始

謂三傳也

要正之本

謂正日辰

同之一

首

謂陰陽有四時其用一也

萬物俱主各自理

言事物唯非一名各自其部分

義

不相干事不相擾

言難有事事難衆多各有次第事不相

擾亂也

敬脩其神以爲天寶天一常居太淵之宮

言天一至

尊固守而不行以四時氣遊於四方太淵者宮名也在北斗維之中央直神后之左右

春遊玉

堂

大吉臨四仲時

夏遊明堂

神后加四仲

秋遊絳堂

登明加四仲

冬遊

生死之場

河魁其居一也

言一坎數在干

右立冥

少陰也言向南面西六也

左明光

少陽也言其向南面在東也

背太陰

背子亥也

向正陽

華蓋

斗名也

西乘玉衡

大吉小吉

迴璇璣

斗七星也而臨八方

南北及

將四七

謂二十八宿

使三光

日月星也通八風

定五行

謂東方木南方火西方金北方水四季土

更用事之比

令六壬

領吉凶

言日辰

陰陽及所坐所養之

使旬始

將五嶽

謂六甲御三陰三陽故曰六壬也

凡數旬始

必以五子元起假令甲子旬青龍在神后

將兵所立

次得丙子朱雀在神后

執法所立次得庚子白雲在神后

后補吏兵

士處此遁甲五方時下所在之也

受氣或處陰

或處陽

言魁星臨人五

以處五鄉

東西南北及中央爲五鄉也天罡臨東方

各盡其正

言方十二日也

水

以處五鄉

木青臨南方火赤臨西方金靜臨北方水

木青臨南方火赤臨西方金靜臨北方水

木青臨南方火赤臨西方金靜臨北方水

木青臨南方火赤臨西方金靜臨北方水

清臨四維土盛下天罡爲陽所金木水火土上下相

當

謂神與用日辰四課上下相剋傷也

死生之決前後相更

謂天一前後將之吉

凶三傳思之也

子且識之思念勿忘

常被服飲食精習也

口授賢士無

傳洩其章

勿傳龍首與非其人

三子拜受而起龍忽騰翥三子

仰瞻尚見龍頭矣遂以名其經曰龍首云

龍首經序


二

龍首經之名始見於晉葛洪抱朴子遐覽篇隋書經籍志五行類有黃帝龍首經二卷顏氏家訓雜藝篇云吾嘗學六壬式亦值世閒好匠聚得龍首金匱王軫玉變玉歷十許種書則此書之傳世久矣尋書中所占諸術第十法云功曹廷掾爲土官外部吏及內不屬五曹者皆屬功曹第四十九法占諸吏謀對計簿當見上官又云欲見王者以天一諸侯以太常將軍以勾陳卿相二千石以青龍令長以朱雀皆漢時官制其第九法占知臣吏心善惡漢書翼奉傳所述日辰爲客加時爲主人辰正時邪則客正主人邪辰邪時正則客邪主人正漢人本有此占法此書在漢

時爲民間日用之書故至六朝猶行於世唐宋以後傳寫始微晁氏郡齋讀書志陳氏書錄解題皆未及見此本上下三卷占法七十二章吾師孫淵如觀察從道藏中錄出頤煊見而愛之因影鈔此冊并校勘一過據隋蕭吉五行大義第四篇引龍首經子齊青州丑吳越揚州一條宋許洞虎鈴經戰位篇引龍首經將欲出兵初以木日間事一條諸欲陳兵必伺向白虎一條占兵已交勝負篇引龍首經先起爲客後起爲主一條今本皆無此文疑傳寫尚有殘闕又午爲勝先今世流俗書本皆作勝光據五行大義第二十篇云午勝先者陽氣大威陰氣時動惟陽在先爲

勝也足正俗本光字之譌他時倘得付諸剗劂流通  
于世以視靈基九宮諸術其得失勝負不知又當何  
如也序成并以質諸觀察時嘉慶十年太歲乙丑月  
將在午日辰丙申加時在酉臨海洪頤煊書于德州  
節署之平津館





黃帝龍首經卷上

賜進士及第山東等處督糧道兼管德常臨清倉事務加二級孫星衍校

占歲利道吉凶法第一

陽歲以大吉臨太歲陰歲以小吉臨太歲視天上甲  
庚所臨爲天道天上丙壬所臨爲人道魁罡所臨爲  
拘檢一云天上丙壬下天道乙辛下兵道丁癸下鬼  
道舉事從天道大吉利人道次之甲庚是也  
架屋起土買賣田宅入官舍使時在天道百倍在人  
道十倍在拘檢道縣官大凶

假令今年太歲在寅大吉臨寅視天上甲庚臨地乙  
辛爲天道天上丙壬臨地丁癸爲人道魁罡臨巳亥  
爲拘檢魁爲拘罡爲檢他歲效此若歲在子午卯酉

爲四仲天道及人道皆在四維難可移徙謂陽歲在子寅辰午申戌皆以大吉臨之陰歲在丑卯巳未酉亥並以小吉臨之

占月利道吉凶行法第二

陽月以大吉臨月建皆視天上甲庚所臨爲天道丙壬所臨爲人道魁罡所臨爲拘檢陽月爲奇月陰月爲偶月移徙吉凶皆如太歲法月禁又急不可見犯假令正月建寅以大吉臨寅視天上甲庚臨地下乙辛爲天道丙壬臨地丁癸爲人道魁臨亥爲拘罡臨巳爲檢也

占月吉日嫁娶祠祀法第三

欲令魁臨月厭以魁順數左行登明神后大吉功曹  
太衝天罡爲陽也以魁逆數右行從魁傳送小吉勝  
先太一天罡爲陰也陽將五千陰將六屬干謂甲乙  
丙丁等亦爲日也六屬謂子午等爲辰也陽將日殺  
男陰將辰殺女陰陽不將乃爲吉也日辰若得陽中  
之辰陰中之日舉百事福及子孫矣

假令正月厭在戌魁臨壬癸甲乙爲陽將五千日也  
酉申未辰巳午爲陰將六辰也吉日若得丙子丙寅  
庚子庚寅丁亥丁丑丁卯辛亥辛卯辛丑皆陰陽不  
將日辰也十二月皆效此魁罡下辰爲厭衝破大凶  
月厭正月戌二月酉三月申四月未五月午六月巳

逆行十二辰

占月宿何星法第四

常以月將加卯爲地上乙

所得星右行如今日數止

即月宿星也

正月一日宿在室二日在壁三日在奎四日在婁以次逆行空月盡日月宿在

壁二月一日月宿在奎至五月盡日月宿在婁三月一日

日宿在胃四月一日在畢五月一日在角九月一日在氏

在柳七月一日在張八月一日在斗十二月一日在女

十月一日在心十一月一日在斗十二月一日在女

若閏月朔宿後一宿是也

也假令正月閏壁是也

假令二月五日以魁臨卯乙上見奎星當唱言奎一

婁二胃三昂四畢五則爲月宿星日在畢也十二月

皆持月將臨卯取乙上神所得星右行數唯正月獨

卯上星數右行不從乙也假令正月三日登明臨卯

卯上見營室數右行營室一東壁二奎三爲月宿星得奎也他準此

占星宿吉凶法第五

春三月東方七宿爲歲位南方七宿爲歲前

神樞云傳送從

魁下是也西方七宿爲歲對北方七宿爲歲後孟夏二星爲負衝季夏二星爲掩衝正月初春夏秋冬效此歲位負衝折衝掩衝歲前挾畢皆凶歲後歲對天倉天府皆大吉日辰雖凶不能爲害也

占天倉天府法第六

常以天罡臨月建大吉下二星爲天倉魁下爲天府小吉下二星爲致死仲月无天府及爲衝星孟月无

致死及折衝星季月无天倉及爲英星天倉天府舉事德及三世大吉致死負衝奄句芒星舉事致死喪大凶

占天一日遊所在婦人產避法第七

天一日遊以戊戌日上天六日以甲辰日下地中宮居東室五日以己酉徙居東北維中六日以乙卯日徙居東方五日以庚申日徙居東南維六日以丙寅日徙居南方五日以辛未日徙居西北維六日以戊子日徙居北方五日以癸巳日入中宮居西室五日又以戊戌日上天遊不在中宮乳婦要須出當避之所在之方莫向之也

凡產忌法常以月將大時月將下爲咸池神后下爲  
豐隆大吉下爲日大將功曹下爲女孽太衝下爲宮  
星天罡下爲天候太一下爲招搖勝先下爲軒轅小  
吉下爲女夭傳送下爲雷公從魁下爲月飲河魁下  
爲日刑

占神月空劇乳婦廬法第八

常以璇璣加三五孟謂寅午戌之月則加寅申子辰  
月加申巳酉丑加巳亥卯未加亥天罡下爲天候太  
一下爲軒轅小吉下爲招搖從魁下爲月殺河魁下  
爲雷公登明下爲咸池神后下爲豐隆又爲具時時  
刑者寅刑巳巳刑申申刑寅無恩之刑也丑刑戌戌



刑未未刑丑逆刑也子刑卯卯刑子互相刑也孟月以功曹仲月以神后季月以魁臨月建視天上丙壬丙壬所臨地下皆空吉可居也皆避雷公招搖軒轅咸池具時豐隆天候時刑矣

占知臣吏心善惡法第九

以問事時占之一云天罡加月建爲重陽天魁加太歲爲重陰天臨太歲爲陽覆陰臣欺君魁加月建爲陰日辰上陰神得吉神將有王相氣覆陽君欺臣也日辰上陰神得吉神將有王相氣休氣上下相生與日辰上神不相剋則臣下忠孝常懷愛上敬教日辰上陰神得凶將有王相氣休氣下賊其上又今日之辰自賊其日及辰陰上神賊日上神此臣下不忠順姦猾難折勒驕常有篡弑之心也

假令陰上神登明天空貪汙慢欺朱雀巧言令色天  
罡勾陳持上罪過魁居白獸欲爲大亂

假令九月丙午日中時占臣下心意何如功曹臨丙

丙上遇前三之將也

太衝臨午

午上得前四之將也

功曹陰上神得登明

將得天一天一居日之陰神太衝上神得神后將爲  
騰蛇騰蛇辰上辰上陰神爲發用也皆上下相生自  
和遙生日辰上陽神功曹太衝此爲臣下忠孝安上  
愛下也

此亦是兩神剋日以日比爲用故用神后子取有兩子之比主憂從外來之事也

假令六月壬辰日日入時勝先臨酉

酉上遇後一之將也以此酉時

天一乘太衝

傳送爲臨壬日上陽神也大吉爲臨辰辰上

陽神也傳送陰上神得太一

日之陰神太一發用也

上剋下又

遙賊日上神

大吉爲神之陽其陰上見傳送也

得魁魁爲凶神

辰上陰

神後五之將也

今日之辰復賊日

謂辰土賊壬水

此爲臣子不忠孝

謀欲亂君以錢財之事他效此

### 占人君欲拜署五官法第十

記吏當謁時無令所謁之官傷君年上神到王相時爲君憂患以君年上神將爲所憂形狀當謁水官曹吏無令火神臨君年謁木官曹吏無令土神臨君年謁金官曹吏無令木神臨君年

假令君年立巳當謁金官曹吏時功曹臨巳將爲朱

雀爲傷君年上神

金剋木故也

朱雀告言口舌事也到秋

金王時必爲所言於上府皆效之功曹庭掾爲土官

曹庫吏爲金官獄曹賊曹倉部曹皆爲水官臥曹爲水官戶曹爲火官外部吏及內不屬五曹者皆屬功曹爲土官

占諸君吏吉凶法第十一

將及小吏始入官臨政視事時慎無令人年上神賊初拜除日又無令所出門上神賊人年上神文官欲得青龍武官欲得太常與日辰相生不欲相刑剋

神

云欲入文官武官必令日辰陰陽中及用傳中有青龍太常者吉也

假令人年立丑以甲乙日拜官署事始到官視事時始從魁臨丑此謂人年上神賊初拜除日也

假令人年立亥小吉臨之而南之午地視事時功曹

臨午此所出門上神賊人年上神也文官視事青龍  
在勝先此謂與日相生必遷日辰陰陽傳中宜視其  
神所言之欲知遷官離青龍太常爲月期以青龍所  
臨辰爲時期

假令從魁臨未而文官欲入官視事勝先爲青龍臨  
辰以甲相生法遷增利日離青龍三辰爲三歲辰離  
青龍七辰爲七月青龍所居之神主土其日戊己青  
龍加辰爲時期後三歲七月戊己日辰時遷太常效  
青龍月生青龍太常爲遷在外青龍大常生日遷在  
內內者坐遷增秩即不能備此法者慎無令魁罡騰  
蛇白虎玄武臨日辰人年立行惡加其墓即不可用

也甲乙墓在未丙丁墓在戌庚辛墓在丑壬癸墓及戊己墓並在辰

神樞曰凶期以青龍太常所畏爲憂期以四時之氣休老囚死爲所坐輕

重他效此

### 占諸吏吉凶遷否法第十二

以月將加時日辰及人年上得吉神將上下相生即大吉其神又有王相氣時加王相之鄉爲得遷非此者皆凶得休氣且免官退罷囚氣且繫上下又相賊有罪死氣凶惡神傳得吉神將有救爲憂外日上神將王相吉爲遷年上神將王相吉亦遷日年上神皆凶辰上神雖善爲不遷日辰年皆吉爲遷不疑也欲知遷期以魁離今日之辰爲期

假令今日之辰是寅魁加午爲在向後五日若五月  
他效此金權云遷不遷問何官謂問文武之官也說  
曰日辰上皆有王相氣遷文官若陰上神有  
王相氣遷武官日辰及陰上神俱王相重  
遷用神加孟仲遷在內加季官遷在外

占諸吏君安官舍欲知家內吉凶法第十三  
日辰上之陰得吉神將有王相氣者吉休囚皆凶次  
神將言其形狀

假令得天魁爲白虎主死喪玄武言亡遺矣欲知衰  
吉是誰以年上神言之陽神爲父陰神爲母神樞所  
謂安不  
安以神言則是  
此篇之例也

#### 占諸吏安官否法第十四

日辰人年上得吉神將休氣上下相生者爲安官其

有王相氣遷其神將凶有王相氣上下相生亦安言  
上下相賊不安官吉神凶將俱有氣又上下相賊者  
彌不安也得傳送有行來事得朱雀口舌言訟事得  
玄武亡遺盜憂疑事也光明符云以月將加月建行  
年上見休老之氣者免官神  
休廢者當失職矣四

占君吏欲刑戮舉事法第十五

人君及部吏欲得行刑推問當事時無令天一吉神  
將及王相之氣臨今日之辰吉神者謂功曹勝先傳  
送神后大小吉也吉將者謂天一六合青龍太常太  
陰天后也皆不可使臨今日之辰與辰之陰又辰陰  
上之神不可使剋人年上神剋人年上神必還害身



也

假令人年立未太衝臨之今日之辰巳也大吉臨巳大吉陰在丑從魁加丑此爲陰上之神剋人年上神法行此事吉神將及王相氣臨今日之辰與辰之陰上神賊人年上神謂從魁剋太衝也殃及後嗣害子孫人年謂人君及部吏之會也他效此

占諸郡縣有盜賊否法第十六

正月辰時騰蛇臨今日之辰若玄武在日辰陰陽皆爲有賊盜欲知何黨賊以用上將言之用得白虎殺人賊朱雀燒人賊玄武小盜在陽且有在陰已有傳得六合爲不發若用神爲囚氣所勝獄囚且隊亡君

欲謀下害吏者皆以用神處其福竒所在

假令功曹爲用而得句陳當有賊在東北角他效此  
占諸殺人亡命可得以否法第十七

以其殺吉時正月辰以玄武爲主日辰又其上神有  
制玄武者爲得日辰上下不制玄武所臨爲亡人  
假令二月丙申日人定時河魁加亥有殺人者時登  
明爲玄武陰臨子亡人在北方丙上得天罡申上得  
小吉皆爲土神並剋北方能制登明法爲戊巳日得  
他效此

占被盜無名盜可得否法第十八

以其亡時占之若不知亡時以人來言時占之正月

甲以玄武陰上神爲盜神日辰及年上神有制盜神者可得

假令十月甲子日人定時功曹加亥

亥上得  
後五將

此時射

盜太一爲太陰臨甲太衝爲太常臨子天罡爲玄武臨丑法以玄武陰上神爲盜賊小吉爲天罡陰上神小吉卽盜也家在西南爲人黃色羊目多鬚好出行今日甲木也爲制盜神子上神得太衝太衝木也亦剋盜神凶盜不出刑中也必得之日辰及年上神不制盜神及玄武者賊不可得也他效此

占聞盜吉凶亡人所在欲捕得否法第十九以聞知之時射之今日日辰上神有剋玄武所居神

者即得日辰及其上神無賊玄武所居神者不得

假令九月甲午日日昃未時太衝加未聞賊在其家  
魁爲六合臨甲功曹爲天后臨午天罡爲玄武臨申  
天罡土神也甲木日也功曹臨午之水神也並剋玄  
武所居神爲得賊不敢格戰當將兵馬圍賊家時兵  
馬主當居神后上擊勝先下也

假令到賊家時神后臨酉宜居賊家西上東向擊卯  
地必勝獲之他效此

假令五月甲寅日巳時小吉加巳魁爲玄武甲寅木  
日辰也並制玄武賊必不敢鬪也法背水攻火又建  
今日辰及起其後二攻其前四

假令今日甲子後二在戌當從戌攻辰是也又無令  
囚對王相攻言夏壬癸不可向四維也他準此爲囚  
死當王如秋甲乙不可西向攻盜賊也必以陰攻陽  
背子亥登明神后向勝先太一攻此當慎之自五月  
巳下皆式經正文

占問囚徒知得實情法第二十

正月時四面有席

疑

欲令今日之日自制其辰

如甲辰丁

酉乙丑甲戌戊子癸巳丙申之例是也

問者吏居青龍及功曹下置囚

於句陳及天罡白虎下必令玄武居無氣之神即玄武所居之神畏今日日辰及青龍所居神囚即翰目辭不敢更言

假令神上將得天空囚忍痛懷漫得朱雀囚空言自誣得騰蛇囚惶怖稍伏得白虎自殺

假令正月甲辰平旦登明加寅吏欲問囚今日甲木制辰土功曹在巳青龍居勝先臨於酉責問囚時吏宜居巳及酉天罡在未未上得六合將句陳在申使囚居未地若申地傳送爲白虎在亥己問囚宜于亥地上爲玄武臨丑日甲剋土土神畏今日甲甲有王氣問囚囚不敢欺也他效此

占六畜放牧自亡不知所在法第二十

各隨其類以其亡時占之

正月時馬責勝先之地牛責大吉犬責河魁雞責從

魁羊責小吉猪責登明欲知東西南北各隨其神所  
臨在所勝之地爲放縱在所畏之地爲拘繫在所生  
所喜之地爲人逃匿之天一順治責騰蛇玄武爲  
各隨其所居神日辰上神有制騰蛇玄武及物類  
神者爲得不制者不得其物類神自臨其日辰者爲  
歸家其神與白虎并臨囚死之地爲死亡其神與六  
合太陰并爲人欲隱藏之欲知遠近以其物類神所  
臨上下相乘爲道理數日辰上制物類神爲得日期  
假令三月壬申日中時從魁加午時馬自放責勝先  
勝先臨卯式經云東西南北各歸其世是也爲在東方勝先爲午數  
九卯數六六九五十四里今日之辰申上神得登明

爲制勝先法壬癸亥子日尋得

假令先得壬癸壬癸日得先得子亥子日得

又一法以其神所來乘爲道里數臨子午九丑未八寅申七卯酉六辰戌五乃至巳亥四此並爲道里數也他效此

假令今日日辰上神但致玄武騰蛇不制物類之神

亦爲得若制玄武騰蛇玄武等亦得兩制者保十必

得無疑也

物類若隨驛當責太衝也一云從魁爲刀太衝爲頭神后爲屠太一爲斧刀臨頭死

臨刀不死屠臨斧死斧臨屠不死也

假令六月壬寅日巳時占失猪天一居太一而加辰爲順治合責騰蛇居天罡而加卯太衝爲辰之陽神



而剋天罡此爲日辰上神制騰蛇所失猪果自歸爲  
登明加戌戌與亥相近故也他效此

占諸欲知病人死生法第二十二

常以其初得病日時占之

假令騰蛇白虎魁罡剋初病日及占日日上神人年  
所立辰辰上神者皆爲死白虎所居神王相而賊初  
病日及病人年白虎陰上神又有氣佐白虎共剋病  
日人年者急呼妻子出病者必不起立死也死氣爲  
白虎剋人年病日者死又魁罡爲白虎加病人元辰  
者立死白虎非必在日辰陰陽中也視直所居神與  
病日人年相剋以否

假令不知初病時日以今日日上神決之今日日上神剋病人行年及年上神者死陽命男陰命女以前八後六爲元辰陰命男陽命女以前六後八爲元辰假令陰命未生男即從未至子爲前六後八他準此白虎所居神賊今日及人年上神亦死若獨賊病日之辰不剋今日爲愈說者云白虎生初病日病日生白虎皆爲病愈白虎賊病日人年一一皆死白虎與病人年日辰相生皆爲愈與病日同類爲安久

假令甲子日占病登明神后爲白虎者此爲白虎生病日病者不死春以勝先太一爲白虎者此爲病日生白虎病者皆愈矣功曹太衝爲白虎者此爲同類

爲病久白虎陰陽皆有氣并傷日立死不傷立起白  
虎無氣病者愈

假令白虎所居神金也時秋有氣若以甲子日占之  
雖年及甲上有火神火將恐死謂火至秋無氣恐不  
能救有氣也此並式經文也

假令不知病日人年所居立之辰以今日用神決之  
三傳終於白虎若日入墓者爲知吉凶期以用神言  
之

假令功曹直用當丙丁日愈庚辛日死又天一爲用  
生氣在丑未辰戌之日騰蛇爲用死在巳亥日他效  
此

又一法不知初病日時以人來問時占之日辰人年臨其墓亦爲死日人年所立辰之陰陽神入其墓者亦死日墓還臨其日辰者亦死年墓還地年者亦死假令甲乙日射病時天上甲乙臨未爲日入其墓若小吉臨甲乙爲墓其日也

假令病者年立子問事時神后臨辰爲年所立之辰陰陽神入其墓若天罡加子爲墓臨其年皆死辰墓效日墓之例

又一法用神始終得日墓皆凶天罡擊今日日墓爲墓門開亦死甲乙寅卯木墓在未丙丁巳午火墓在

戊餘支干準此之例也

小吉木墓河魁火墓大吉金墓天罡爲

水土之墓

式經曰白虎陰陽有氣傷病日人年者死

者亦愈白虎生病日者死白虎與病日同類者爲之安久也

占知囚繫罪輕重法第二十三

式經云先建

陽而取其當者而傳其始終終休罪重終囚加罪終死罪重後輕

正日時視用神終於王相之氣貴人救之無罪終於  
休氣罪重終於囚氣加罪終於死氣先重後輕終於  
騰蛇罪重無疑必死終於朱雀數見掠筭終於句陳  
有所句連終於玄武冒辭而亡終於天空空無所有  
有實也終於白虎被罪至死終於吉將傳得其子爲有  
救罪得解傳入其獄爲有罪傳得他獄爲移獄所爲  
獄者墓也

假令功曹太衝小吉爲獄登明神后即天罡是其獄  
他例此所謂移獄者假令起功曹終於河魁爲移獄  
一法以初繫日占之各以其所犯爲坐假令鬪傷人  
以句陳殺人以白虎竊盜以玄武相告罪名以朱雀  
假令犯坐傷以句陳所居神賊繫日即論也繫日賊  
句陳者不論也句陳與日同類爲繫久傳神得其獄  
者必論

假令以甲乙日繫天一居小吉臨未繫日丙丁天一  
臨戌繫日庚辛天一臨丑繫日壬癸天一臨辰繫日  
戊己天一亦臨辰爲必離訟獄傳句陳之陰得白虎  
白虎所居之神與句陳并賊其繫日者死

式經曰假令以甲乙

日繫句陳所居在金神上者此爲句陳勝繫日者即  
被論罪也若句陳居土神上者此爲繫日勝句陳即  
免被論傳句陳之陰得天一天一生繫日日辰者爲  
貴人救之也傳句陳得繫日子母人將哀哀可爲上  
書也

假令七月己未日食時傳送爲太常臨己

謂日辰上其得後四

將神將不相刑又有王相氣謂金王故也天罡爲句

陳加卯傳得其母

謂辰上得太一也

句陳與日同類法爲安

久不然蒙聽令欲知吉凶之期者以用神傳終爲有

救神期也

假令七月己未日酉時天一治神后加於辰太衝亦  
加今日日辰神將不相刑有王氣傳得其母

登明加卯故也

句陳與日同類法當繫久然蒙得出傳而得傳送天一爲移獄也

占諸欲遠行使出吉門法第二十四

始行時欲令今日日辰人年上得吉神將有王相休氣而出小吉得傳送下即大吉慎無令魁罡臨所出門上所出門上之神又不可傷行者年上神門上神者所出入門也

假令八月甲申日時卯正日時行者年立戌戌上得登明欲傷行之午午上得小吉小吉傷登明此爲門上神傷行者年上神也門傷行者之年道必有殃年傷門行者不安必有疾病而還

此所謂年上神傷門上神也

又到



日無令賊初發之時

假令始行之日以甲乙時加寅卯慎勿以庚辛日申酉時到也若到時賊初發之日咎及先君又勿令陰陽中絕其類謂凡欲出行欲令日辰陰陽中有傳送傳送上遇吉將則行者吉有凶將則行者凶也假令行時傳送不在日辰陰陽中直視傳送上有吉將亦吉不可有惡將也

假令遇凶將是螣蛇爲驚恐朱雀口舌拘留句陳見鬪戰玄武亡遺天空見耗病所求不在白虎死喪他效此

又法欲將帥出行欲令天罡臨四季爲神樞外百事

吉神樞又云無令所之之鄉傷其年乃有喜假令欲行行人年立四季此爲所之之鄉傷其年也他效此

占諸欲行求事者法第二十五

以始行正日時無令今日辰上神傷行者年之所立地辰所立地辰亦勿令傷辰上神若傷辰上神是謂相刑其事不成也

假令年立巳而今日丙寅神后臨寅此辰上之神傷人年所立地辰也

假令是日時神后臨寅人年立辰此爲年所立地辰傷辰上神也法欲有求作者欲令今日日辰陰陽及相傳中有其事類事類者謂求財欲得青龍小吉求

續綵欲得太常求蠶欲得勝先之比也故式經云辰上神傷其地年所求難得後自亡遺

占諸望行者吉凶來否法第二十六

必當視所至地之陽神以卯爲限以子午上神爲至期東方南方以酉爲限子上神爲至期西方北方以卯爲限午上神爲至期

假令望酉地人從魁加戌爲已發加子爲半道加卯爲得限當來以午上神爲至期午上神得神后以壬癸亥子日至

假令望巳地人太一加午爲已發加酉爲得限當來以子上神爲至期子上得傳送期庚辛申酉日至

假令望寅地人功曹加酉爲來望申地人傳送加卯  
爲來望子地人神后加卯爲來望午地人勝先加酉  
爲來皆以子午上神爲至期諸望行者過限皆以爲  
聞其間爲不來也要所至事類度爲不來所爲事類  
者望貴人以天一亦爲望父望父母以太常望兄弟以太  
陰望婦女以天后望子孫以六合望友及夫錢財二  
千石等以青龍望盜以玄武望死喪以白虎望奴婢  
以天空下亦同使望吏捕人以朱雀望行道還以騰蛇望  
鬪戰以句陳並以所加今日日辰皆以比爲來傳以  
爲至其度限爲不來也集靈記云凡望行人以甲乙  
用亥子神者爲背日背日爲不至也金匱云至不至  
問前四言甲午日前四戌戌上所見神爲至期假令

戌上見功曹則寅上至一說云應至而不至乃用此  
法也又云占行人以生王爲至期假令王癸日用起水神則  
甲子日至遇墓即止而不來史蘇經曰卜外人以生王而  
遇墓遇墓即止而不來史蘇經曰卜外人以生王而  
至卜家人遇墓亦至也凡占吉凶賒促所之遠近皆  
以計神占之計神者河魁是也故金匱云數以魁離  
日假令魁加未未數八魁數五五八四十爲吉凶在  
四十日內行人當之爲四百里也他皆倣此也一說  
云魁離初發日爲期日臨而發日即日至也

又法居外望內人以夏至辰之陰神居內望外人以  
冬至辰之陽神臨今日日辰日辰與太衝臨未皆爲  
來

假令夏至以卯卯之陽神太衝今日丙丁太衝臨寅  
爲本臨午爲中臨戌爲末皆爲來也

假令太衝臨午當以丙丁巳午日至月期五月

假令冬至以午午之陽神勝先也今日甲乙勝先臨  
亥爲本臨卯爲中臨未爲末皆來

假令勝先臨亥當以壬癸亥子日至月期十月

一法望行者天罡繫今日日辰爲今日至順繫日辰  
至逆繫日辰爲不至所謂逆順者假令望西方人天  
罡繫北方東方日辰爲順順即來繫南方西方爲逆  
逆不來也天道左遊天罡爲逆天罡臨月辰人年懸  
門候之望西方北方人以卯爲門午上神爲至期望  
南方東方人以酉爲門子上神爲至期凡所望神入  
其門即爲至凡望不至者皆云刑人以刑

假令望寅地人寅上有凶將以凶事畱有吉將以吉

事有青龍太常爲錢財酒食爲吉他效此

假令白虎爲死喪句陳爲鬪戰朱雀爲口舌對吏望吉人得吉將凶人得凶將即來他效此

占諸欲知行者吉凶法第二十七

審知行者年所立辰之陽神與吉將并臨有氣之鄉上下相生即吉無過與惡神將并臨囚死之鄉上下相賊又臨年墓日墓者皆凶也

假令行者年立寅占時而功曹當與白虎并臨未者

此爲與凶將并臨其年墓也

日墓

又一法若不

知行者年以日爲行者身辰爲行者日之辰陰陽得辰之神陰爲與吉神將并即吉與凶神將并即凶也

占諸行者欲知家內吉凶法第二十八

正日時辰上神之陰得吉神將王相休氣上下相生即吉得凶神惡將即凶以其極而論之假令得白虎死喪事得大吉及休氣爲耗病各以善惡將言之他效此

占諸架屋舉百事吉凶法第二十九

正日時無令今年太歲陽神臨今日日辰及欲所治地即十二歲滅門又無令魁罡騰蛇白虎臨今日日辰大凶欲使大吉勝先功曹在日辰陰陽中與日辰相合即大吉非此者皆凶欲入廬舍效此以日辰上神將言其吉凶將得白虎多死喪將得玄武多亡遺



將得句陳多闕訟將得朱雀多口舌縣官將得騰蛇  
多怪將得天空多衰耗治生不成六畜不蕃息朱雀  
與登明天一并合宅見誅直用神傳中有救爲後起  
者當避之

假令今年太歲在卯八月甲戌日日出時天罡加卯  
欲架屋及蓋屋太衝爲太歲陽神臨甲將得朱雀魁  
爲玄武臨酉日辰陰陽中無大吉勝先功曹又太歲  
陽神下臨日以舉百事大凶

假令是日時欲治寅地居爲在太歲陽神下亦大凶  
也他效此

占宅舍可居否法第三十

正日時視日辰上神神陰得吉神將有王相休氣上下相生可居吉若凶神有囚死氣上下相賊即凶不可居以尤者言其形狀

假令白虎死喪天空虛耗他效此

占田蠶種五穀好惡法第三十一

正日時欲令今日日辰上神多王相氣與所欲爲物類神相生又欲天一所居神與太歲上神相生物類神即大吉日辰陰陽及用傳中有其物必成熟也無令魁罡螣蛇白虎囚死之氣臨日辰者凶物類者謂蠶以勝先禾以功曹太衝黍小豆以太一勝先麥以傳送從魁稻大豆以登明神后麻以大吉小吉

假令欲占蠶日辰陰陽及用傳中有勝先因而三傳勝先皆得吉神將得天一所居神與太歲上神相生勝先即大吉也

假令太歲在辰四月戊辰日中時傳送臨午占蠶善惡何如勝先臨辰此爲有其物類太歲上神自得勝先將得青龍神將相生天一大吉不與勝先相剋則爲太歲日辰上神皆有王相之氣無有災害諸物類等並效此也若物類神與太歲上神相賊天一所居神剋日辰陰陽中無其事類則爲大凶敗也

占今年舉百事商賈田蠶法第三十二

皆以日辰及家長年上神將言之

假令得傳送青龍及王相之氣可爲商賈得勝先大吉神將皆宜田蠶亦以所欲爲類神上得凶者言所主得玄武爲亡遺餘效此

占諸市賈求利吉凶法第三十三

正日時欲皆令今日之時辰上神及人年上神與所欲爲市買物類相生者吉又欲今日辰上神陰陽中有小吉青龍青龍所居神與今日辰上神相生者吉太歲上神不剋人年上神人年上神不制青龍者吉又欲令所往至之地上有吉神將有王相氣與人年上神不相賊市估有利

假令九月戊子日日昃時太衝加未欲爲估市人年

立巳太歲在寅大吉爲天一臨於戊

戊寄位在巳巳即人年立辰

傳送爲青龍臨子此爲有其物類其日辰與人年上神及青龍所居神相生大吉臨人年魁臨太歲不與人年神相賊而北出傳送下大吉利雖先備二吉一凶可用務令日辰人年上神相生物類者可用也

云審問所之之鄉東西南北四維得與年相生多王相之氣者即有福估市有利不逢賊盜所居見好所欲皆得但青龍居有氣之神而加有氣之鄉即得財若青龍制人年即無所得

### 占諸欲畜集何者好法第三十四

正日時各以其物類在日辰陰陽及用傳中有其物類類又與人年上神相生者吉利可爲畜積也直用神始於無氣終於王相即前利少後利多非此者皆

凶所言物類者粟以木神黍小豆以火神麥以金神  
麻以土神稻大豆以水神絲綿以太常布帛以神后  
皮革以白虎田蠶以勝先

假令七月甲子日雞鳴時太一加丑謀欲收麥天罡  
加子陰上神得傳送傳送金神爲麥類在用神陰陽  
中人年立申申上得神后與傳送相生爲物類與人  
年上神相生也是爲可收也用起天罡天罡氣休老  
傳終皆得王相氣爲後多利他效此

占諸欲畜生類可得否法第三十五

正日時視日辰上神無魁罡騰蛇白虎即吉可畜收  
視其物類神王相臨有氣之鄉爲吉多利魁罡所加

不宜畜也

假令魁罡加未羊不可畜加亥猪不可畜他效此

占欲買車舟吉凶何如法第三十六

正日時視日辰上神陰陽及用神傳中有六合太衝與吉將并合又與日相合者吉可乘爲便利主與凶將并賊今日者損主勿乘之

假令太衝與玄武并者乘而亡之與白虎并數載死人宜喪事他皆效此

黃帝龍首經卷上

黃帝龍首經卷下

薑四

賜進士及第山東等處督糧道兼管德常臨清倉事務加一級孫星衍校

占馬吉凶法第三十七

正日時以勝先占之勝先與吉將并臨所生之鄉即吉與凶將并臨所賊之鄉即凶以勝先上將及所臨之鄉吉凶深淺言之也

假令勝先與青龍太常并臨木火辰來未之地即吉是爲良馬也若臨金鄉即咬人臨戌躡戾臨水爲病臨丑喜走與立武并因放自亡與白虎并且死與騰蛇并驚敗事他皆效此也

占牛善惡法第三十八



正日時以大吉占之大吉臨木爲病臨火且驚以得  
賣臨金且欲賣之臨水田牛也臨土畜也若天地吟  
且用神與天一并臨有氣之鄉且入縣官與白虎并  
爲自死與句陳并爲抵觸人與螣蛇并時時苦驚玄  
武并且亡遺他效此

亡遺責大吉大吉湖神也一  
法又責軫星下亦責太衝也

### 占羊可養得否法第三十九

正日時以小吉占之加金欲畜之加木欲殺之加火  
可畜加水爲衰耗與吉將并臨有氣之鄉即吉與凶  
將并即凶得白虎爲死加寅戌數逢狼加辰入墓亦  
死

### 占猪善惡法第四十

以登明加巳午即放加水鄉溷豕加金木可畜加土  
爲病死加王相鄉欲與天一太陰并爲祀豕也與凶  
將并臨囚死之鄉爲凶登明與白虎并即走失欲知  
生死以氣言之有生氣生有死氣死自死與騰蛇并  
爲驚亡加日辰人年人墓亦死占亡失登明加酉不  
得責未上從魁不得  
責巳上小吉日辰  
陰陽能制之即得

占犬可畜否法第四十一

正日時以河魁占之子能捕鼠加卯能走獵加巳午  
善聲加未能鬪加辰自死加亥賣之加寅狂走加戌  
嚙人與太陰并爲用禱祀也

占雞可畜否法第四十二

正日時以從魁占之加未能闕加金水可畜加丑爲  
自死或被殺加辰爲子加未欲用祀與吉將并臨有  
氣之鄉即吉與凶將并又臨囚死之鄉即凶

假令與騰蛇并爲好驚作怪祟與朱雀并非時好鳴  
與勾陳并雌雞坐鳴與玄武并且亡走與白虎并爲  
狸所食也

占奴婢下賤利主否法第四十三

正日時視其日辰陰陽及用神傳中從魁與吉將并  
有王相休氣與今日日辰相生宜主直用神上賊下  
皆爲吉深利親附甚蕃息從魁不在日辰陰陽及用  
神傳中又與惡將并而賊今日又用神下賊上其爲

慢誦欲害其主

假令八月壬子日日昃時天罡加未占奴婢吉凶傳送爲玄武臨壬從魁爲太常臨子從魁與壬而壬相相生又在日辰陰陽中勝先爲用而臨酉上賊下此時占下賤者皆好

假令十月乙卯黃昏時功曹加戌上賊下從魁爲六合臨巳不在日辰陰陽中又賊日小吉爲用臨卯下賊上皆爲慢誦欲害其主不可畜也

占買賣財物六畜知售否法第四十四

賣者欲使今日之辰王相買者欲使今日之辰囚死皆令物類之神在日辰陰陽及用傳中與今日日辰

相生即吉賣者可售買者可得若物類神不在日辰陰陽中及用傳中又與日辰上神相賊賣買俱不得其所

假令十月癸亥日日昃時功曹加未占人買賣牛小吉臨水陰上神得功曹勝先臨亥陰上得大吉爲在陰陽中又與辰上神不相賊賣之與買兩得其所假令是庚辰日卜賣牛太衝臨庚陰上神得河魁登明臨辰陰上得勝先大吉不在日辰陰陽中是無其類也日辰上神皆與大吉相賊買賣兩不得所假令今日日上神賊大吉客不肯取辰上神賊大吉主不肯與日辰上神俱賊大吉妄有所語他效此

占人亡所在吉凶法第四十五

正日時視所問人鄉上神與今日比者在不比者爲不在也

假令今日甲也若問午地人在否午上神得傳送與甲爲比比謂有甲申之例也則所問人在矣假令午上神得大吉無甲丑爲不比所問人不在

又一法欲行諸人家知人在否正日時神后臨日辰與婦女欲飲酒天罡臨日辰在後家欲訟錢太一加日辰其作小車若木器

一云近出欲還

小吉臨日辰其人在

牀上臥未起傳送臨日辰行不在從魁臨日辰在後家天魁臨日辰其人病登明臨日辰其人在土上數

錢大吉臨日辰在吏家須臾還

或云在酒家正欲出

功曹臨日

辰在吏家與長者客語

一云在家本作不出

太衝臨日辰見在

門中

一云在舍北作舩車處所本

占欲上書奏記見貴人法第四十六

欲上書奏記及見貴人皆欲令所見事類神將上下自相好所臨上下相生即大吉得福非此者凶

假令上書欲見王者天一居金火土而加金火土之辰見諸侯以太常見將軍以句陳見二千石以青龍見令長以朱雀效此非必在日辰陰陽中宜視其事類神將觀其所喜善惡也所應喜歸母子

占人奏文書劾事解否及何時來報法第四

十七

日辰上得吉神將有王相相生即爲吉功曹與吉將并青龍與吉神并者皆吉及直用神終見其子有救者爲事解無救者爲不解

假令望文章所在之鄉在南方否功曹登明若青龍在北方下爲且至以功曹登明臨日辰爲至期法以傳終救神爲至也

占詞訟吉凶事勝負法第四十八

以日上神爲客主上賊下先者勝下賊上後者勝勝者不可令先者年上下相賊上下相賊雖勝後必敗殃日辰上下不相賊兩解不鬪



假令八月丁巳日時加巳年立卯功曹加之勝先加  
丁日辰之陽神並比和此爲兩解者準此

若欲以長幼則知勝負以今日長年辰爲少壯也日  
勝辰長者勝謂日勝辰上神也辰勝日少者勝謂辰  
勝日上神也以日辰上將言之以知其勝負假令將  
得句陳見以鬪爭事相告也句連將得白虎忿爭至  
死將得騰蛇恐死有罪罪謂被笞也將得天空所言  
非是謂以論長短相告也將得朱雀當獄訟謂爭口  
舌事也將得玄武冒辭而亡亦主妄言

假令訟者年立卯傳送臨之爲年上下相賊先者爲  
客後者爲主

占諸吏謀對計簿當見上官知喜怒法第四

十九

正日時視日上得吉神將有王相及休氣與所欲見事類神將相生即吉

假令欲見王者以天一諸侯以太常將軍以句陳卿相二千石以青龍令長以朱雀與日辰人年上下相生即喜悅所言並見聽非此者皆凶

假令欲見將軍句陳所居神賊日辰人年上神即怒也日辰人年上神賊句陳則將軍不肯見人雖不相生不欲相賊

占諸欲攻讎報隙法第五十

無令謀事類神賊謀事者年上神及地下辰皆凶  
假令諸欲報謀者之年立寅白虎在傳送上此白虎  
所居神賊人地年也

假令謀者年立辰而功曹臨之而白虎所居神賊功  
曹爲賊人年上神皆凶不可行也

假令數人謀擊在各以其年上神與所立之辰與白  
虎所居神相賊則凶不相賊有王相氣則吉王相者  
則爲人年上神將也謀殺人以句陳盜人以玄武謀  
燒人屋以朱雀匿罪人以太陰六合謀取婦女以天  
后諸所造爲事類皆欲令賊事事者年上神也各取  
其事類神三傳之終於王相爲有福於囚死爲有賊

也他準此

占諸被賊圍邑陷陣客主勝負法第五十一  
正日時斗加四季利爲客可先起兵斗加四孟利爲  
主宜後起兵兵常背神后擊勝先大吉也斗加四仲  
不可起兵客主俱敗也若時迫不得不戰即背小吉  
擊大吉此爲逆兵也天地吟無舉兵行伐必見圍也  
若日暮欲休息者兵將常居今日小吉時前三辰是  
也

假令正月中大戰暮欲宿兵將軍常居卯辰巳寬坐  
不可伐小時常與月建俱也他皆倣此

占欲獻寶物以遺尊貴知勝吉凶法第五十

二

今日之辰王相又欲今所遺神好辰之上神及其所奉物類神即見物喜而愛敬也

假令奉王者以天一諸侯以太常乃至令長丞尉以朱雀皇后夫人以天后庶人婦女以神后此爲諸所遺者也

假令欲獻婦女物類等謂田宅以勝先穀米牛以大吉雞狐犬以天魁豕以登明羊鴈酒食以小吉奴婢飛鳥蟲豸以從魁虎狼野禽以功曹舩車貉兔以太衝刀兵璧玉瓊以傳送蛟魚水蟲以天罡布帛衣服以太常錢財寶物以青龍絲帛以太常布物以神后

皮革以白虎田蠶以勝先之類是也皆欲令所遺神將好之辰上之神將得天空物損而無得若相好而受者即蒙其福也

假令三月辛卯日食時從魁加辰欲遺二千石以璧玉功曹爲太常臨酉傳送爲朱雀臨卯登明爲青龍加午青龍爲所遺神傳送爲奉物又爲辰上神而青龍所居神好之二千石必喜所奉物必得福報也神

日假令二月乙卯日午時傳送臨辰欲遺二千石璧玉傳送爲所奉之物又爲辰上神而青龍所居神好之此爲二千石必悅而受之也好之爲相生也彼人剋所貢之物爲貪而受之若畏所貢之物物剋之則不敢受也所謂皆欲令今日之辰王相及所貢之物類與彼相好即悅而受之也

占求婦女法第五十三

正日時視陰中有天后神上下相生日上神與辰上神不相剋賊即可得也若日神陰陽中無天后神天后上神與辰上神相賊者不可得也

占求婦女有兩三處此婦女可取誰者爲良  
相宜法第五十四

欲取求其鄉上神有與天后神后相生者可取也  
假令九月甲子日平旦時太衝加寅求申鄉女午鄉女辰鄉女者以神后爲天后臨亥申鄉上神得從魁午鄉上神得小吉辰鄉上神得太一小吉土太一火與天后神相剋賊獨從魁金與天后神后相生即取申鄉上女爲吉欲知婦好醜天后王相者好囚死者

醜也欲知其顏色者以年上神言之神樞曰天后在陽或乘王相之氣爲好而且少也若天后因死爲醜老又神后加孟長女加仲中女加季少女亦柔以天罡所加之几太衝從魁火加金爲色赤白亦柔以天罡所加之几太衝從魁登明小吉爲太陰或用此者皆陰翳婦人之位其人主爲再嫁之象

### 占夫婦相便安否法第五十五

各以其年上神相生即吉相賊即凶夫年上神賊妻

年上神妻有咎妻年上神賊夫年上神夫有咎神樞曰去

與畱視喜憂注云夫妻和睦爲畱不和者爲去皆視

日辰若吉神善將臨日辰上下相生者爲畱若惡神

將臨日辰上下相剋者爲去而不睦也一云天后剋

六合婦妾將奔隨人若六合剋天后自誘他妻妾也

一云三傳內人本命相入者爲和反吟不和一云日

辰上神相生與吉將并者妻妾安其室日辰上下相

剋神將內戰者煎熬不寧不寧爲不安其家室也一

云傳送太衝臨日辰者妻妾有二心一云大吉傳送



臨日辰妻妾  
愛外人也

占懷孕爲男爲女法第五十六

正日時視時下之辰與今日比比者男

假令甲日時加午甲午爲比比者生男

假令今日甲時加未未爲時下之辰無甲未爲不比  
生女無疑也

又一法以天罡占之天罡加陽爲男加陰爲女舊說  
云傳送加夫本命婦人遊年上得陽神爲男得陰神  
爲女

占諸貴人欲救罪人得否法第五十七

正日時以直神言之傳得其子即有救

假令木神直用傳得水神將而火在其上他效此傳得其勝其子爲將但許人耳而心欲相賺也

假令木神直用傳得土神而火在其上所謂用神得其子

假令正月丙子日從魁辛亥食時登明加辰勝先臨亥下賊上爲用傳得其子爲救

假令正月丙子日從魁加申大吉子上賊下爲用子水懷憂大吉傳得功曹得憂者之子爲有救助用神終不見憂者之子憂不解也他效此

占居處去留所宜法第五十八

視日辰上神將無王相休氣上下相剋宜去日辰上

神之陰得吉神將王相休氣上下相生者宜畱以陰陽神將言其形狀

假令白虎在陽以去者死喪不在陽可畱他效此

占諸聞王甲有罪吉凶法第五十九

視日辰陰陽中有其事類與今日日辰比者是也比者不是也

假令聞某爲盜今日甲也而勝先爲玄武在日辰陰陽中即是也勝先午有甲午爲比太一爲玄武無甲巳爲不比也說云或聞所議死若白言所乘神與今并合爲白虎是也非此者皆虛聞子孫吉凶亦同前比合之法若聞吉事視青龍與六合臨日辰者是實也非此者不是若聞凶事傳視白虎所臨辰上神占之得青龍六合與今日比者則所聞者不吉是實也

然此例多不可備舉並在  
神樞第五占所聞虛實篇

占人所造爲事成否法第六十

視其事類在日辰陰陽中與日上神相生者即吉若  
日辰陰陽中無其事類又與日上神相剋者不成  
假令欲治宅而大吉勝先在陰陽中與日二神相生  
則吉成非此者爲不成

占人有憂事得解否法第六十一

以問事時占之正日辰視日辰上及人年上得吉神  
將有王相氣直用神傳得其子爲憂解用神爲王相  
氣所傳得其子其子無氣雖解猶難無氣不能制有  
氣用神爲囚死所賊傳得其子其子囚死俱有氣爲

可解其子王相爲憂兩解

假令十月丁亥時加未占憂疑勝先臨亥下賊上爲王相所剋傳得大吉爲得其子其子囚死氣爲憂有解意然亦難

假令四月丙寅日丑時神后臨丙上剋下爲囚死所賊爲用火懷憂傳得小吉小吉火之子而有王氣爲憂兩解也欲知解期視用神所生爲吉期所畏爲凶期也以用神所臨地辰所生爲吉期所畏爲凶期假令勝先臨水爲用以戊己爲吉期壬癸爲凶期勝先臨金爲用以壬癸爲吉期丙丁爲凶期他效此

占捕前事得否法第六十二

行時欲今日辰上神與人年上神賊所求物神即日得若物類神賊日辰上神又害人年上神爲凶凶即不得也所謂物類者虎豹以功曹鹿兔以太衝野獸豕以登明鳥以從魁馬以勝先

占人始欲帶製新衣吉凶法第六十三

正日時欲今日辰上得吉神將有王相氣又令青龍太常在日辰陰陽中陰陽中所居神與今日辰相生者吉非此者凶縱青龍太常不在日辰陰陽中宜視青龍太常所居神與今日辰相生者亦吉也

占弟子始事師得成達否法第六十四

以今日之辰占之日爲弟子身辰爲所學者時下辰

爲師欲令其子加母時必見受道成於師又順天道  
又欲令日辰上得吉將神有王相者休氣上下相生  
其用神終於吉神將有王相氣者吉無令辰上神上  
下相賊其發用神又終於神上之墓而無氣者憂學  
不達也

假令正月丁卯日日出時登明加卯丁爲弟子身卯  
爲所學者時下辰爲師丁日加卯者子從其母也卯  
上神上下相生用終功曹將得金神不相刑又有王  
相之氣此爲學者達矣

占內寄者吉凶法第六十五

內寄者無令五行加其所憂及今日之辰陽神所臨

之地辰賊今日辰皆爲害主人

假令九月甲寅日時加酉內寄者此爲五行加其所

憂又今日辰陽神功曹臨申申爲金賊今日甲寅

木此爲臨地辰賊今日辰也他效此又式經曰凡

他人者慎無令時下辰之陽神臨日辰賊今日辰

爲害辰假令十月甲寅功曹加申此爲時下之神害

今日之辰也謂申上之神傳送加寅之上下剋日辰

辰復在申上被剋也時下者諸日所加十二辰也

辰之陽神者今日辰傷今日辰也又各從豹尾來不可

令加其所臨日辰傷今日辰也又各從豹尾來不可

諸物皆同假令十月丁巳日申時以月將功曹加申

太一臨亥太一巳之陽神火也亥水也亥遇剋丁巳

爲害主爲所臨日辰害今日辰也他準此其台主

一賊入家假令七月癸巳日太一加此台倣之神樞

日若欲寄止於人家神后臨行年者主人欲謀危客

日辰上見天魁白虎者主人欲謀殺客日辰上見登

明天空者主人欲謀誘客並宜急去若日

辰上見吉將王相相生者並吉無他故也

龍首墜下

三



占怪祟惡夢法第六十六

正日時視日辰人年上神將有王相休氣上下相生者吉非此者凶魁罡騰蛇白虎臨日辰人年者凶

將王相憂王事死喪凶氣主亡遺病伏廢憂六畜也

其用神在陽爲憂外事在

陰憂內事各以其家人年上神言之

假今年俱立惡將下未必俱惡以天罡所臨別加陽憂男加陰憂女加孟爲長加仲傷家母加季憂小口

式經曰神在外比隣受殃在門家人受殃在內身受殃又曰人年日辰上見戌犬怪見酉釜鳴見申兵刃不葬鬼怪見未墓鬼呼怪見午馬血怪見辰巳龍蛇怪見寅鳥獸怪見丑牛畜風塵怪見亥子猪風怪也

占知死人魂魄出否法第六十七

正日時時下辰爲死加辰上神勝日上神及時下辰

者爲復殺

式經云以家長行年加子若太歲人年天命日辰上見魁罡小吉騰蛇白虎有鬼天

罡加陽男坐之加陰女坐之加孟爲家長加仲傷家

母加季憂小口天地伏吟殺不出天地反吟雖出復

還魁罡臨日辰爲復重殺非此者皆爲出也欲知所

牽爲魁雄爲罡也欲知凶鬼在家處所法視天上鬼

星臨即是鬼所居處也

式經曰魁罡臨甲鬼在門臨乙在戶臨丙在堂屋臨丁在

竈臨戊在庭及房臨己在碓磑臨庚在雞栖臨壬在猪圈臨癸在厠

又一法欲知死人家有餘殃以否正月以將加死時

魁罡加日辰重有死者欲知在何日月禍至視所加

日月爲陽取男爲陰取女

又一法欲知雄雌所起雌隨午雄隨罡

占葬事法第六十八

必先定五行若勝先時下辰與今日日不比及推式  
慎無令魁罡臨今日日辰又勿令白虎臨有氣之鄉  
即大吉後乃無咎不如法者禍起之始

假令十一月乙酉日申時欲令葬埋爲日加申申爲  
時下辰與乙爲不比太一爲白虎太一火冬死爲無  
氣此時葬大吉欲知蒿里道常以天罡加太歲月建  
功曹傳送下地爲蒿里道可葬其下大吉及後世不  
得蒿里道死不止無後嗣絕煙火也

假令神后加太歲功曹傳送下地是爲地中蒿里道  
喪其下亦吉也爲葬埋者擇時常令魁罡騰蛇白虎

此四神藏沒四維中乃大吉推葬日常以魁罡加月建功曹神大吉下日辰推月吉日常以魁罡加月建功曹傳送下日定開之日可葬勝先神后下滿成等日可娶婦

占始舉事有風雨否法第六十九

常以始舉事時正日辰功曹臨今日日辰在天一前即風起矣傳送臨今日日辰在天一後即雨至矣又法得陽凶逢風得陰凶逢雨日辰上得陽神將爲陽凶得陰神將爲陰凶

若天旱欲知何日雨至以問時占之其用神傳終於有水神上者即有雨氣非水神者無雨氣必欲知何

時雨者假令傳得登明神后即雨傳視其陰得何神而知時也

假令得勝先以丙丁日雨得金神庚辛日雨得木神甲乙日雨得土神戊己日雨然得土神雖雨猶旱若得水神以壬癸日雨傳終無水神及得土神者並爲旱也欲知旱幾時當有雨以九九筭之

假令用神傳得大吉大吉神臨子大吉丑丑數八子數九八九七十二當雨

若大吉臨巳巳酉四日當雨

欲知今月雨多少何如以問時占之用神傳終有水神即雨多無水神即雨少

又一法以月將加時龍在前三前五者雨在後二後

四者風而旱虎在前亦風功曹爲龍傳送爲虎卯爲雷子爲雲雲從龍風從虎虎龍所乘神有氣必有風龍虎與雲雷并者必有大風雨又云傳送加日辰在天一後者雨也功曹臨日辰在天一後亦爾

又法欲知何日雨以大吉加月朔神后下大雨太衝下小雨

又法占雨何時止以月將加時視魁加四季不雨加申雨止加子爲陰加巳午爲旱加神后雨後有風加寅卯見白日

又法以月將加月建辛癸加地下辰晴求雨亦爾又法魁罡加季止加孟不止加仲巳不已

又法月將加月建視天上壬癸下加地辰是晴日壬子所臨亦雨也

占欲入山取物法第七十

正日時視日辰上神陰得吉神將王相休氣上下相生者吉爲得物多矣陰得凶神將凶死上下相賊者即凶必爲陰雨泥塗爲敗此謂陰凶逢雨將得白虎逢惡禽獸將得玄武爲寇盜日上神凶者尤甚辰上神陰凶可忍俱凶大惡

假令七月庚寅日平旦時太一加寅登明爲朱雀臨庚太一爲太常臨寅功曹爲天后爲登明陰傳送爲青龍爲太一陰皆所求得遂日辰俱吉者尤吉俱凶

者大凶

占欲入深水渡江河法第七十一

正日時視日辰上得吉神將有王相及休氣上下相生者即吉反此者大凶以風波爲敗謂陰陽也

假令八月甲子日天罡加未登明爲太陰臨甲從魁爲太常臨子傳送爲白虎爲登明勝先爲青龍爲從魁此爲陰也神樞云支傷干吉更長干傷支吉欲減支干俱傷亦減並吉也

占馳使往來信實否法第七十二

以使來時占之時勝日上神如其所言日勝時上神所言不實也辰上神亦如所言時與日辰相生欲來



和合也又云辰上神與日上神相生者亦欲如其言也太陰天罡臨日辰及將軍年上其言不信傳送爲朱雀天空加日辰者其言反覆口舌來爲姦詐不自姦所左右邊即姦詐人也

又占欲逃亡戰鬪當避太一向之敗也太一正月在子二月丑三月寅四月卯審賊來否若太一神加今日干天罡小吉前若刑殺凶神俱加今日干爲賊今日至支干上不見此神爲不來也望見道上人疑是賊否支傷逕可前干傷逕不可前又道上望見人以月將加時視日上辰加功曹傳送登明見吏若神后太一姦人盜賊魁罡主喪若病人從魁勝先太衝

小吉白衣人神后臨卯爲寃家也

次客一用起神后二從魁三功曹四登明五天罡六  
大吉七勝先八太衝九傳送十太一十一天魁十二  
小吉陽取後三陰取前五

黃帝龍首經卷下